

Rolledeling mellom Innovasjon Norge og kommunane

Prinsipp for arbeidsdeling:

Fylkeskommunen ønskjer at kommunane konsentrerer sitt arbeid om etablerarar og småskala næringsliv. Mindre bedrifter og personar som ikkje har eit kundeforhold til IN bør som hovudregel ha førstekontakten mot kommunen. Bedrifter som har eit forhold til Innovasjon Norge frå før av og større etablerte bedrifter forhold seg normalt direkte til IN sitt distriktskontor. Når det gjeld bygdeutviklingsmidlane er det ei klar rolledeling mellom kommunane og IN som er nedfelt i ei eiga forskrift.

Kommunane er normalt første kontaktpunkt i tidleg fase og ein samtalepartner for foredling og vidareutvikling av bedrifta eller etableraren sin ide. Kommunane må kunne yte praktisk bistand i oppstarts- eller planleggingsfasen. Dei minste bedriftene og entreprenørane har ei rekkje behov for tenester og service som dei bør ha tilgang til i kommunen:

- Næringservice
- Nettverk
- Mobilisering
- Finansiering

Innhaldet i desse tenestene har vorte utvikla gjennom prosjektet "kommunalt næringsutviklingsarbeid". Fylkeskommunen ønskjer at Innovasjon Norge medverkar til kompetanseutvikling slik at kommunane kan utføre si rolle som førstelineteneste på ein god måte.

Nærare om kommunal næringsplanlegging

Fylkeskommunen krev at kommunen m.a. har ein strategisk plan for sitt næringsretta arbeid. Vi ventar oss planar som er gode verktøy, som dreg opp det langsiktige strategiske utviklingsarbeidet, som inneheld ein verkemiddelpolitikk for finansiering av initiativ frå bedrifter og etablerarar og som legg til rette for tett samarbeid mellom kommune - næringsliv.

Fylkeskommunen ønskjer at Innovasjon Norge er samtalepartner for kommunane i utvikling av retningsliner for den direkte bedriftsretta bruken av kommunale næringsfond / kraftfond (utvikling av ein kommunal verkemiddelpolitikk). Ein godt formulert verkemiddelpolitikk kan t.d. bidra til å klargjere rolledeling i bedriftsfinansieringssaker – jfr neste avsnitt. Målet er at søkjarar skal sleppe å oppleve uklar rolledeling eller komplisert samfinansiering mellom IN sine bedriftsretta verkemiddel og kommunane sine næringsfond.

Nærare om rolledeling i finansieringssaker

Kommunalt næringsfond skal nyttast til tiltak som fremjar næringsutviklingsarbeidet i kommunen, og då i første omgang til tilrettelegging og støtte til nyetableringar og dei minste bedriftene. Det kan også nyttast til foranalyser og forprosjekt, utvikling av nye forretningsområde og lokalmarknadsbaserte prosjekt i større bedrifter.

Fylkeskommunen fastset i saka om kommunale næringsfond 2009 kapitalgrenser med føremål å legge til rette for eit enkelt system for arbeidsdeling mellom kommunar og Innovasjon Norge.

- **Investeringsstilskot** til investering i bygg, utstyr og maskiner. Gjeldande grense: søknader med samla kapitalbehov (totalalkyle) inntil kr 500.000 vert finansiert gjennom kommunale næringsfond / kraftfond.
- **Bedriftsutviklingsstilskot** til etablerarstipend, produktutvikling, marknadsundersøkingar, planlegging, konsulenttenester og opplæring. Gjeldande grense: søknader med samla kapitalbehov (totalalkyle) inntil kr 100.000 vert finansiert gjennom kommunale næringsfond / kraftfond.
- **Tilskot til tiltaksarbeid og kunnskapsretta infrastruktur.** Dette gjeld regionalt samarbeid, etableraropplæring, samarbeid skule/næringsliv og lokale analyser/utgreiingar. Fylkesdirektøren vil ikkje føreslå spesielle kapitalgrenser for slike saker.

Bedriftsfinansieringssaker som ligg over grensene for kapitalbehov skal sendast vidare til IN dersom dei ligg innafor IN sine prioriterte satsingsområde. Parallellfinansiering mellom IN og kommunane bør unngåast sidan dette gir dobbel sakshandsaming. Innovasjon Norge bør medverke til at kommunane ikkje finansierer søknader som er avslått i IN med bedriftsøkonomisk eller konkurransevidande grunngjeving. Prosjekt som vil få avslag i IN av policygrunnar kan likevel støttast av kommunen etter dialog med IN eller generelt gjennom avklaring i kommunal verkemiddelpolitikk.